

SANITÉ: La doturia Grete Mahlknecht é demez por ferias dai 11 ai 28 de jügn y vëgn sostituida dal dotur Eduard Agreiter 0474 523 315 / 333 13 80 852.

SAN MARTIN Y LUNGIARÜ

Cun osta sotescriziun sön la detlaraziun dl davagn y söl mod. CU (Cert.Unica) podëise destiné l'8 pormile dles cutes paiades ite ala Dlijia Catolica. Cun na secunda sotescriziun podëise destiné le 5 pormile dles cutes paiades ite a istituziuns y assoziaziuns religiozes y soziales de nosta diozeja. Chi che ne dá jö degöna detlaraziun dl davagn (por ejëmpl: i pensionä) pó fá la destinaziun implin fora y sotescrion le formular ch'i ciafëis da incö inant te na lada apé de dljia. Präibel sotescriede sot ala usc „Chiesa Cattolica“ y apé dl formular. Toledé ince l'ocajun dla destinaziun dl 5 pormile sotescrion y don dant le codesc fiscal dla istituziun o assoziaziun ch'i orëis. Chësc formular sëise spo bel peria da mëte tla lada che vëgn arjignada ca por l'atra domënia. Al sará la ploania che fistidiará da le mené inant por posta.

SAN MARTIN

La monia suor Monica Graffonara n'é nia plü a Loreto mo tl convënt dles monies Passioniste tl santuar de Santa Gemma a Lucca tla Toscana: e-mail: monastero@santagemma.eu - www.santagemma.it

La Uniun di Seniors da San Martin y Antermëia organisëia na griliada en dedolönesc, ai 12 de jügn, a Lungiarü. I s'incuntun dales 12.30 ite Muntcörta por sté adöm y se mangé val' de bun. Chi che oress tó la coriera, vëgn mená dal zënter de Lungiarü cina söl post. Le cost é de 5 euro a ce. Präibel anunziessé cina ai 11 de jügn da misdé pro Alfred da Ju 333 36 54 786 o pro Maria Clara 338 17 51 839. En caje de bur tēp vëgn la griliada spostada al de do. Gnide tröc, i se fajun n bel domisdé!

En Pasca de ma, ai 9 de jügn dales 19.30, tla dljia da Al Plan concert dl cor Cantus Iuvenis da Viena “corusc dla vita”. Le program musical é dër ampl.

En dedolönesc, ai 11 de jügn, dales 14.30, tl Salf di stödafüch a San Martin: Le Sindacat di Pensionä SGP/CISL - Grup Val Badia inviëia a na incuntada cun les referētes dr. Gabriele Morandell y dr. Monika Völkl sön “le provedimēnt dl paziēnt” (Pazientenverfügung), sura la poscibilité da manifesté súa orenté co ch'an ó ch'an vëgnes tratá y assistis tl caje de na maratia critica.

Le Sorvisc ai Jogn pita consulēza y orientamēnt por jogn, jones y geniturs sön la jonëza y l'educaziun vigni secundo y cuarto mercui dl mëis dales 09.30 ales 11.30 tl Zënter Pedagogich a Picolin (alzada -1) y vigni secundo y cuarto vëndres dl mëis tl ofize dl Zënter dla jonëza SaJ.un a La lla (Ciasa dla Cultura,alzada -2) dales 13.00 ales 15.00. Al ne va debojëgn de degöna prenotaziun y la consulēza é debann. Info: barbara@jogn.org o 342 84 10 721.

Al vëgn chirí voluntars da daidé romené sô la “SMACH. Val dl'Ert” a San Martin de Tor. Präibel gnide en sabeda ai 15 de jügn dales 9.30 tla plaza dai auti dl Museum Ladin. Da dailó inant junse spo düc adöm a pe. Massaries, patüc da bere y mangé ciafëise! Dilan de osc aiüt!

Sci Club S. Vigilio: düc i mituns y les mitans che á ligreza da jí cun i schi – dala pröma elementara insö – pó ciamó se scrí ite al Sci Club cina ai 25 de jügn. Ví ince tö cun nos cun i schi! Info pro Gabriel 348 41 24 277



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

09.06. – 16.06.19 nr. 28

ultimo termo por comunicaziuns: jöbia dales 20.00
radio: 90,40 / 93,70

PASCA DE MA

Vangele do Lüca 20,19-23

La sëra dl pröm dé dl'edema, canche i discepui â, dala tēma dan dai iüdes, sarè pro les portes, él gnü Gejü, é jü amesa ëi ite y ti à dit: Pêsc a os!

Do chëstes parores ti àl mostrè sües mans y so costà.

I discepui s'alegrâ da odëi le Signur.

Gejü ti à ciamò n iade dit: Pêsc a os!

Sciöche le Pere m'â menè mè, insciö ves mëni iö os.

Do ch'al à albü dit chësc,

ti àl fladè ados y ti à dit:

Recioiede le Spirit Sant!

A chi che os ti lascëis do i picia,

ti ési lascia do;

y a chi che os ne ti i lascëis nia do,

ne ti ési nia lascia do.



I discepui s'á saré ite por gauja dla tēma da ester susc tl monn.

Te chësta tēma aparësc le Ressorí; al ti aoda la pesc.

Y al ti scinca le Spirit che n'é nia de chësc monn.

Al n'é nia meso da ciafé plü pesc co tl Spirit de Dî che nes vëgn scinché.

Pormó dailó ti mostra y ti dij Gejü de ci valüta che chësc Spirit é.

Al é bun da pordené, al é cinamai bun da lascé do piciá.

O ince da ne pordené nia, mo chël ti lasciunse al iudicadú dl cil.

Mo sc'i aldiun y savun ch'i podun pordené, spo messunse ince le fá.

Pordené é n valor dla vita.

Ince sce chël che é de colpa ne präia nia pordenanza, pordenunse impó, bele por nos instësc, i n'orun nia vire cun le pëis da messëi ti al araté.

Ince sce le pordené ne mët nia döt apost, tolel almanco demez le pëis.

Al alda pro l'eleganza dla vita da ester bugn da pordené, chitamēter, tl inom de Dî. (M.B.)

	SAN MARTIN	LUNGIARÜ	Dala scora tla vita
09.06.19 PASCA DE MA	9.30 Mëssa solëna dla Comunité 19.00 - 20.00 Ora d'adoraziun al Spirit Sant	7.55 Adoraziun – pröma pert 8.15 Mëssa solëna dla comunité dedô Adoraziun – secunda pert 15.00 Corona tla capela de S. Ujöp Fr.	Do i strabac da passé ia le desert, les tortöres tla Libia, i dis y les nôts de fan y de sëi te na barca afolada, ê le jonn Amarú rové mort söla spona taliana. Al n'â degügn documënc pro d'ël, ch'an ess podü ciafé fora so inom y capí da olach'al gnô.
10.06.19 <i>beat Heinrich da Balsan,</i> LÖNESC DE PASCA DE MA	9.00 Adoraziun 9.30 Gran Mëssa dla Comunité + Siegfried Penazzi por les Animes	7.55 Corona 8.15 Gran Mëssa dla Comunité de rengraz. fam. Pire Clara	Mo chirin do te süa felpa, âl cizé che ê gnü cují ite, val' de plü prezius co ma na cherta d'identité: na pagela, les notes dla scora ch'al â podü frequenté.
11.06.19 Dedolönesc <i>Barnaba ap.</i>			Al ê n papier bindebó smarí, lobrí deplü iadi adöm, cun les materies y les notes dlungia scrites por franzesc.
12.06.19 Dedemesaledema <i>Leo, Hildegard Burjan</i>	10.00 Conferënza di proi sö Rit	7.30 Mëssa + de rengraz. fam. Agostin Clara + + Demattia y Clara	I ne savun nia y i ne gnarun mai lassura ciodiche chël jonn s'â metü ia tan al sigü chël documënt. Bunamënter sarál sté süa uma che ti al ará cují ite por ch'al ne s'al pordess nia y ch'al ess val' da mostré sö.
13.06.19 Jöbia <i>Antone da Padua</i>	19.00 Prozesciun y Mëssa a Picolin en onur de Sant Antone + Frieda Rives Frenademetz + + Alfred y Erica Videsott + Nando Flöss de Fles (dl ann)		Al sará pié ia da ciasa cun la speranza de rové te n post olach'al ess ciafé n laur y n dagní y podëi vigni tant ortié val' scioldo a sü geniturs y a sü fredesc.
14.06.19 Vëndres <i>Meinrad, Fortunat</i> Confesciuns sö Oies (16.30-18.00 cun siur Heinrich Perathoner	8.00 Mëssa de conclujiun ann de scora + Elena Rubatscher Zingerle en onur de Sant Ujöp Freinademetz	10.00 Mëssa de conclujiun ann de sc. + Heinrich Frenademetz	Plü dessigü dô chë pagela ester n ticket da jí ite te na miú vita, na cherta por gní azeté tla comunité olach'al somiá da rové.
15.06.19 Sabeda <i>Vitus(Vi), Germana</i>	15.30 Mëssa tla Ciasa de Palsa + suor Maria Paula Fontanella 18.30 Mëssa prefestia por vis y def. fam. Sepl Frenes Preroman + Otto Ploner	20.00 Mëssa prefestia Albino y Paolina Piccolruaz + Giovanni Campeï (dl ann)	Al dô ester n atestat che desmostrâ che Amarú n'ê nia ma n migrant, mo n chestian cun na storia iadedô, fata ince de agn de scora.
16.06.19 DOMËNIA DLA TRINITÉ	9.00 Corona por le def. Pire Ploner 9.30 Gran Mëssa dla Comunité 13.30 Prozesciun sö La Crusc dala Cialciara demez	7.55 Corona 8.15 Gran Mëssa dla Comunité 11.00 Bato de Julian Pedratscher	
SAN MARTIN: Les ploanies dla valada s'á tut dant chësc ann da valorisé deplü les prozesciuns do le tema “les Vocaziuns” dé dant dala diozeja. Porchël inviunse dër bel da tó pert ales proscimes prozesciuns dl mëis de jügn: en jöbia, ai 13 de gnü, dales 19.00, ala prozesciun de Sant Antone, da San Martin a Picolin, en domënia, ai 16 de jügn, dales 13.30 ala Prozesciun ex voto sö La Crusc dala cialciara demez. Al foss bel sc'al gniss ince cotan de mitans y mituns cun sües families. Cun gran solenité orunse spo düc deboriada tó pert ala prozesciun eucaristica dla festa dl Cör de Gejú ai 30 de jügn. <i>Le Consëi de Cöra cun siur Iaco</i>			